



HEIMVEREIN PFADI FRIENISBERG

Protokoll der 46. Ordentlichen Hauptversammlung vom Sonntag 08. März 2020 10.00 Uhr, Mürgerhaus Meikirch

Wahlendorf, 02.04.2020/StR

Anwesende:	Siehe Protokoll Elternrat
Entschuldigt:	
Leitung:	Beat Egli (Gorps)
Protokoll:	Stefanie Ruchti

Der Präsident Beat Egli begrüsst die Anwesenden.

Er zeigt die Traktandenliste. Sie wird genehmigt. Keine Zusätzlichen Anträge. Es wird kein Stimmzähler gewählt.

1. Protokoll vom 10.03.2019

Protokoll war auf unserer Website aufgeschaltet.

Protokoll i.o. und wird verdankt

2. Jahresbericht des Präsidenten

Scho ir erschte Wuche vom 2019ni het es Grüppli Chrampfer unger der stränge Leitig vom Heimchef Chrigu Dällebach im Birchi gschaffet. Mir hei di auti Terasse demontiert u hei bi Minustemperature ide Socke nöii Brätter gleit, heja, dass si nid dräckig wärde... Am Abe simer fertig gsi u ab denn het me wider mit Schueh uf d Brätter dörfe stah.

Am 27. April isch di jährlechi Heimputzete gsi. Unger tatchräftiger Mithilf vo viune vo Öich heimer beidi Heim uf Hochglanz bracht u fürd Vermietige parat gmacht. Danke a dere Steu aune wo si cho häufe, ohni Öich geits nid u mir si de oh ich däm Frühling froh, we Dir wider mithäufet.

Am 4. Mai, am Abteiligstag ds Wahledorf isch dr Heimverein oh verträte gsi und unger mire Leitig isch grosszügig Risotto gchochet u verteilt worde. D Pfader si ich Waud u mir, Eltererat u Heimverein uf Töffli. Rund ume Frienisbärg isch es gange, dsersch bi schönem Sunneschin u de isches cho Schneie... UUU, isch das chaut gsi... Mit fuf Santimeter Schnee uf de Jaggene u starch ungerchüelet simer de doch dankbar gsi, das Töffli wider chönne abdsgeh. Im Ortschaftsheim heimer üs gstercht u ufgwermt. Aues i auem isches e tolle Tag gsi womer sicher no lang wärde drvo rede...

Nach de Summerferie heimer am Sammutag füre Märit u Anfangs Septämber oh am Flohmärit mit ghulfe. Einisch meh isch ordentlech öppis ihgno worde u ds Abschlussfondue bi Röthlisbärgers isch d Belohnig für d Schaffer gsi.

Wis im Heimverein so üblech isch, mir hei vier Sitzige gmacht, verteilt uf ds ganze Jahr. Im Herbscht heimer usserdäm no es Gsuech bim Lotteriefond usgearbeitet. Da wartemer uf d Bewilligung u de gömer hinger ds Dach vom Ortschaftsheim.
Mir chöme de no bim Budget u im Verschidene da druf dsrugg.

Das isches scho fasch gsi...

Im Name vom ganze Heimverein danke ih Öich für ds Vertroue u d Ungerstützig, ih danke am Elterrat für di Super Zämearbeit, u ih danke ade Leiter für Ihri grossartigi Arbeit u für Ihri Sorgfalt wesi d die beide Pfadiheim bruche.

Und nid dsletscht danke ih mine Heimvereinskolleginne für Ihri Arbeit füre Heimverein, danke für di tolli Zämearbeit. Danke aune Heinzelmännli u Heinzelfroueli wo im Versteckte im und um d Heim ume schaffe, flicke u pflege.

Ich ha fröid a däm Heimverein, es si aues Lüt wo ahpacke u mitdänke u ich bi überzügt, dass es so wittergeit u ich wünsche dr ganze Pfadi Frienisbärg e strahlendi Zuekunft!

3. Kassenbericht, Budget, Mitgliederbeitrag

Bernhard Hegg stellt Bilanz und Erfolgsrechnung vor

Der Heimverein schliesst die Rechnung 2019 mit einem Verlust von CHF 3'529.50 ab.

Die Rechnung wird mit Handhebung genehmigt.

Zum Budget 2020

Das Budget wird mit Handhebung genehmigt.

4. Wahlen/Demissionen

Neuwahl: Präsidium Peter Egli (Stifu) -> **Mit Applaus gewählt**
Besitz Yves Braune (Maki) -> **Mit Applaus gewählt**

Demission: Beat Egli (Gorps)

5. Verschiedenes

Es wird auf die Heimputzete aufmerksam gemacht und um Mithilfe gebeten. Die Renovation des Daches in OS wird 2020 durchgeführt. Bei LoFo wurde ein Antrag gestellt. Die Bewilligung wird im Frühling erwartet, womit die Dachsanierung im Herbst vorgenommen werden kann.

Beat Egli dankt dem Elternrat, den AL und den Pfader für Ihre Arbeit. Er dankt auch allen für die Aufmerksamkeit und beendet die HV.

Der Präsident



Beat Egli

Die Protokollführerin:



Stefanie Ruchti